

der grosse freiheit, dy ewer gnad auf ewer perckwerck hat gegeben, unde slettes (*sic*) nicht inpauen. Unde wo ein armer gnappe sthet pey hin unde gedencket perckwerck zcu gute, so weynen sy, man redes umb hirentwillen, das sy mit uns pauen schullen. Alzo musse mir arme gnappen meins herren perckwerck alleyne pauen mit etlichen armen hantwerckman, zcu vornemen, gnediger liber her, das meiner herren perckwerck 5 groblich auff langer czeit schaden nymet. Alzo hab mir uns musen halden in dy stroßen, der mir word nymer zcu haen haben. Dowon bleiben gebercke alben^r) etlichen gancze felt unde genge ledich ligen, dy meynes herren gnaden frummen auf lenger czeit brengen scholden; zcu beveren^s), das das alzo sey, mit allen den, dy sich perckwerck vorsten ꝛ. Unde wen sy doch ander clack^t) unde sachez nichten haben, wen das dy 10 armen gnappschaft nicht eyn erbethen, wen doch got wol beiß, das unser eyner mer muß erbethen, wen unser elderen y vor xxx jaren gethan haben, ader etlicher gebaldiger unde reicher nicht anders paut den mit grossem forteil. Nu zcu vornemen, gnediger liber her, wen ein armer gesel hat erpaut unde zcu slage brenget mit seyner arten erbeth unde lecz ym sauer werden tag unde nacht und er hoffet, er wold es gebrauchen mit 15 seyner berchen, wen sy dorynnen ir worteil erkennen, so nemen sy zcu hulfe, was si kunnen, unde münen (*sic*), das sy grüben unde lenschaft teilen unde dy arme geselle von iren erbteilen bringen; so wollen si den an lenschaften nicht pauen. Alzo muß den ein arme geselle an der lenschaft heyn leyn^u) pauen. Das hat ein arme geselle meins herren hulfe vi ader vii gr. sthewer, dowon sol er heysen^v) unde unslicht bezalen, das 20 bleiben ym kom iii ader v gr.; do muß er ix ader x gr. zcupüsen, wen er nicht ercz hat. Das püsen dy gebercke an dem erbe ir eyner von eim czweidreistteil kom iii ader v heller. Unde wen er den ercze hat, das do gilt ein schillich grossen ader andertalben, so haben sy den von meins herren hulfe unde erczegeld den uberloft. Unde wen sich das worzeuth, so wirtcz eynen armen gesellen zcu sber unde kan dopey nicht bleiben, 25 so wirt den sothen^w) perckwerck aufflesich, do meins herren gnad von soten^w) offelichen^x) perckwerck auf langer czeit trust darvon enphaen sold. Alzo hengeset den meiner herren perckwerck an meins herren hulfe unde an der armen gnappenschafft erbat.

Item der firde bruch unde schade das ist der. Alzo nemelich als mir hamblewt^y) haben, berckmeister unde steiger, dy dorzcu gesaczet sein, unde ander gnappen, dy tag 30 unde na[ch]t damit umbgen, das meins herren gnad denselbigen hambleuten gelobte unde nicht hetlichen umbvorstendigen gelobte, der sich nicht perckwerck vorstet, der do zcu czeiten underweillen hat bra[ch]t an mein herren ader an sein red, unde eintretich^z) dy hambtlewt werden mit den gnappen unde dy gnappen wider mit yn, so sthu[nd] zcu offen unde zcu getrauchen got dem alleme[ch]thich, das wider perckwerck met^a) geberden. 35 Den perckwerck wil boret^{aa}) haben unde traw unde trefflich troslich lewte. Zcu vornemen, gnediger liber her, alzo weise unde kluch wirt ein man nymer, der sich perckwerck von seyner heygen persone gruntlichen vorsten mag, sunder got der almethi^{bb}) er geb ym dy

1001. r) der Gewerken haben d. h. durch die Schuld der Gewerken. s) bewähren, beweisen. t) Klage. u) ein Lehen. v) Eisen. w) solches. x) höflichen. y) Amtleute. z) einträchtig. aa) Wahrheit. bb) Allmächtige. 40